

SIARAN MEDIA

LEBIH RM1 JUTA PERKASA KOPERASI DAN KOMUNITI PULAU PINANG

PULAU PINANG, 13 MAC – Menteri Pembangunan Usahawan dan Koperasi, YB Steven Sim Chee Keong, hari ini menyampaikan bantuan dan sumbangan berjumlah RM1.03 juta, yang disalurkan melalui Suruhanjaya Koperasi Malaysia (SKM), kepada koperasi dan komuniti setempat sempena Program Coop Talk: Menteri dan Komuniti Bukit Mertajam 2026, sebagai sebahagian usaha memperkukuh peranan koperasi sebagai pemacu ekonomi rakyat.

Daripada jumlah tersebut, pembiayaan Tabung Modal Pusingan berjumlah RM786,420 disalurkan kepada Koperasi Pekebun Getah Negeri Pulau Pinang Berhad bagi memperkukuh aktiviti ekonomi koperasi serta meningkatkan keupayaan menjana pendapatan dalam kalangan anggota.

Selain itu, bantuan Program Pemerksaan Rantaian Bekalan Koperasi (SCOPE) berjumlah RM200,000 turut diberikan kepada Koperasi Kariah Masjid Ibadur Rahman Kepala Batas Pulau Pinang Berhad bagi memperkasa pembangunan rantaian bekalan dan aktiviti ekonomi komuniti.

Dalam masa yang sama, YB Steven Sim turut menyampaikan sumbangan CSR berbentuk bakul makanan kepada 50 pelajar asnaf dan pekerja am sekolah bernilai RM5,000 selain bantuan kepada SMK Taman Sejahtera berupa sumbangan RM1,000 serta dua unit televisyen bagi menyokong kemudahan pembelajaran.

Bagi menyemarakkan semangat kebersamaan menjelang Aidilfitri, YB Steven juga menyampaikan sumbangan CSR raya sebanyak RM1,000 kepada 21 koperasi masjid aktif di Pulau Pinang serta 12 koperasi sekolah di Parlimen Bukit Mertajam, dengan jumlah keseluruhan RM33,000 untuk tujuan membantu anggota-anggota dalam kalangan B40 mendapatkan keperluan hari raya.

Hadir sama YBrs. Puan Noor Afifah Abdul Razak, Ketua Pegawai Eksekutif Suruhanjaya Koperasi Malaysia dan Dr. Hajah Zainab binti A.Raman, Pengarah SKM Cawangan Negeri Pulau Pinang.

Sehingga 31 Disember 2025, Pulau Pinang merekodkan 819 koperasi dengan keanggotaan seramai 171,713 orang, memiliki aset bernilai RM1.29 bilion serta menjana perolehan sebanyak RM848.90 juta, sekali gus membuktikan bahawa gerakan koperasi terus memainkan peranan penting dalam memperkukuh ekonomi komuniti dan menyokong pembangunan negara, selaras dengan aspirasi Dasar Keusahawan Nasional 2030 (DKN2030).

KEMENTERIAN PEMBANGUNAN USAHAWAN DAN KOPERASI

13 MAC 2026

MENGENAI KUSKOP

Kementerian Pembangunan Usahawan dan Koperasi (KUSKOP) merupakan kementerian yang bertanggungjawab mewujudkan ekosistem keusahawanan yang holistik dan kondusif bagi menyokong pembangunan sosioekonomi negara yang inklusif, seimbang dan mampan. Fungsi utama KUSKOP adalah menetapkan hala tuju pembangunan keusahawanan negara dan membudayakan nilai serta minda keusahawanan dalam masyarakat Malaysia.

Agensi - Agensi dibawah KUSKOP

BIL	AGENSI	FUNGSI
1.	Suruhanjaya Koperasi Malaysia (SKM)	Agensi pembangunan dan kawal selia sektor koperasi
2.	Institut Koperasi Malaysia	Institut latihan bagi pembangunan dan pendidikan koperasi
3.	SME Corp	Agensi pembangunan Perusahaan Mikro, Kecil Sederhana (PMKS)
4.	TEKUN Nasional	Agensi pembiayaan mikro dan perkhidmatan sokongan keusahawanan
5.	Institut Keusahanan Negara (INSKEN)	Agensi pembangunan kapasiti keusahawanan
6.	Bank Rakyat	Institusi kewangan yang menyediakan skim pembiayaan keusahawanan dan Perusahaan Kecil Sederhana (PKS)
7.	SME Bank	Institusi kewangan pembangunan bagi perusahaan kecil dan sederhana
8.	UDA Holdings Berhad	Agensi pembangunan hartanah dan pengurusan aset
9.	PERNAS	Agensi pembangunan industri francais
10.	Amanah Ikhtiar Malaysia	Agensi pembiayaan dan fasilitasi keusahawanan kepada golongan berpendapatan rendah